

mais ce fust avec telle . . . . . que beaucoup de son bagaige et des tentes et pavillons fust laissé derrière sur le lieu . . . . . le temps qu'il fust nous veoir, ne se entrelaissa la batterie de la dicte ville, comme d . . . . ., furieusement continuée après sa retraiete, de sorte que ceulx de dedans se résolurent . . . . . abbouchement. Lequel leur estant accordé, ils ont en fin le xxj<sup>e</sup> de ce diect mois . . . . . entre les mains de Sa Majesté Catholique, en estant sorty leurs vies saulves . . . . . ce que scauroy dire à Vostre Majesté de ce que s'est passé pardeçà, pour luy don . . . . ., diect est, que seay elle en recepvra.

Très-haulte, très excellente et très-puissante princesse, Je me . . . . . en la bonne grâce de Vostre Majesté, et prie le Créateur donner à icelle, etc.

Du camp à Trivières, le xxij<sup>e</sup> jour de septembre 1572.

(Archives du Royaume à Bruxelles, Négociations d'Angleterre, Supplém.)

MMCCCCLXXI.

*Le prince d'Orange à lord Burleigh.*

(CHEEL, 24 SEPTEMBRE 1572.)

Lettre de créance pour M. de Boisot.

Monsieur, Comme j'envoye présentement Monsieur de Boisot, porteur de ceste, vers Sa Majesté pour luy faire entendre quelques choses de bonne importance de ma part et scaichant la bonne faveur que de tout temps vous m'avez porté, je luy ay expressément enchargé de s'adresser premièrement à vous et vous faire bien ample ouverture des causes de son envoy par delà et d'ung chemin prier, ainsy que je fay humblement par ceste, de tant faire qu'il puisse obtenir bonne et bénigne audience de Sadiete Majesté, ensemble qu'il luy plaise avoir tous ces povres crestiens des Pays-Bas pour recommandés, suyvant le plus grand besoing qu'ils en ont : ce que seray, à toutes occasions, bien prest à recognoistre en vostre endroit d'aussy bonne volonté que je présente icy mes' humbles recommandations en vostre bonne grâce, suppliant Dieu vous octroyer, Monsieur, en bien parfaite santé, bien heureuse et longue vie.

Escript en mon camp de Ghele, le xxiv<sup>e</sup> jour de septembre 1572.

(Record office, Cal., n° 570.)